

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 26.

Četvrtak, 13. jula/srpnja 1995.
SARAJEVO

Akontacija pretplate
se utvrđuje
kvartalno

291

Na osnovu člana 22, člana 50. stav 3. i člana 96. Zakona o službi u Armiji Republike Bosne i Hercegovine ("Službeni list RBiH", br. 11/92, 8/93, 17/93, 1/94, 14/94, 16/94, 33/94 i 4/95), na prijedlog ministra odbrane, Predsjedništvo Republike Bosne i Hercegovine, donosi

ODLUKU

O PROIZVODENJU, UNAPREĐIVANJU I RJEŠAVANJU O ODNOSIMA U SLUŽBI VOJNIH LICA ZA VRIJEME RATNOG STANJA

USLOVI ZA PROIZVOĐENJE PODOFICIRA, OFICIRA I GENERALA

I

U čin vodnika, odnosno poručnika, može biti proizveden pripadnik oružanih snaga Republike Bosne i Hercegovine (u daljem tekstu: oružane snage) koji je sposoban da vrši dužnost vojnog starješine, ako ispunjava slijedeće uslove:

- ako ima odgovarajuću stručnu spremu za rod odnosno službu u koju se prima ili ako završi odgovarajuću obuku u vojnoj školi, na kursu ili nastavnoj jedinici,
- ako je ocijenjeno da sa uspjehom može obavljati dužnost vojnog starješine,
- ako pretpostavljeni starješina da prijedlog za proizvođenje.

II

U čin vodnika odnosno poručnika izuzetno može biti proizvedeno i lice koje je sposobno da obavlja dužnost vojnog starješine iako ne ispunjava uslove odgovarajuće spreme iz člana 1. ove odluke, ako ispunjava slijedeće uslove:

- ako je određeno za vršioca dužnosti, odnosno postavljeno na formacijsko mjesto podoficira odnosno oficira, koje se ne može popuniti licem koje ima stručnu spremu propisanu za to formacijsko mjesto,
- ako je ocijenjeno da je uspješno obavljao dužnost na tom formacijskom mjestu,
- ako pretpostavljeni starješina da prijedlog za proizvođenje.

III

Lica iz člana 37. Zakona o službi u Armiji Republike Bosne i Hercegovine (u daljem tekstu: Zakon) mogu biti proizvedena u viši čin od čina vodnika odnosno poručnika ako, pored uslova iz citiranog člana, ispunjavaju i slijedeće uslove:

- ako su sposobna da obavljaju dužnost vojnog starješine,

- ako su određena za vršioca dužnosti, odnosno postavljena na formacijsko mjesto podoficira, za koje je određen čin vodnika ili viši čin, odnosno na formacijsko mjesto oficira za koje je određen čin poručnika ili viši čin, ako se formacijsko mjesto ne može popuniti na drugi način,

- ako su u obavljanju dužnosti na tom formacijskom mjestu pokazala izuzetnu hrabrost i sposobnost za komandovanje i rukovođenje,

- ako pretpostavljeni starješina da prijedlog za proizvođenje.

Lice koje se, po osnovu stava 1. ove tačke, proizvodi u čin podoficira odnosno oficira, ne može biti proizvedeno u viši čin od čina propisanog za formacijsko mjesto na kom se nalazi.

USLOVI ZA UNAPREĐIVANJE U VIŠI ČIN

IV

Podoficiri, oficiri i generali koji ispunjavaju uslove iz čl. 37. i 47. Zakona, mogu biti unapređeni u neposredno viši čin kad u činu koji imaju provedu i to:

Podoficiri:

- u činu vodnika, nadvodnika i čelnika - jednu godinu,
- u činu nadčelnika i zastavnika - dvije godine.

Oficiri:

- u činu poručnika, nadporučnika, kapetana i nadkapetana - jednu godinu,
- u činu majora i pukovnika - dvije godine.

Generali:

- u činu brigadnog generala - najmanje tri godine u činu brigadira,
- u činu divizijskog generala, najmanje četiri godine u činu brigadnog generala,
- u činu armijskog generala - najmanje pet godina u činu divizijskog generala.

Lica iz odredbe člana 50. stav 1. Zakona mogu biti unapređena u neposredno viši čin, iako nisu provela vrijeme u činu propisano u odredbi stava 1. ove tačke.

POSTUPAK ZA PROIZVOĐENJE I UNAPREĐENJE

V

Prijedlog za proizvođenje lica iz tač. I, II i III ove odluke, odnosno unapređenje lica iz tačke IV ove odluke, podnosi starješina vojne jedinice na položaju komandira samostalne čete ili starješina druge vojne jedinice za koju je formacijom određen čin majora ili viši čin.

Prijedlog iz stava 1. ove tačke dostavlja se, preko pretpostavljenog starješine, organu iz člana 38. odnosno člana 56. Zakona, nadležnom za proizvođenje, odnosno unapređivanje.

Prijedlog iz stava 1. ove tačke sadrži: lične podatke lica koje se predlaže za proizvodnje, odnosno unapređenje; podatke iz tač. I, II i III ove odluke i obrazloženje za proizvodnje, odnosno unapređenje.

Pismeni zahtjev iz člana 21. stav 6. Zakona sadrži naročito: lične podatke, čin u bivšoj JNA, vrijeme provedeno u činu, dužnosti koje je vršio, posljednju službenu ocjenu, formacijski čin na kome se nalazio, radni i penzijski staž, zdravstveno stanje, završene vojne i druge škole i dužina školovanja.

Zahtjev iz stava 4. ove tačke podnosi se starješini vojne jedinice u kojoj se nalazi na službi, odnosno organizacionoj jedinici Ministarstva odbrane gdje se vodio u evidenciji, ako nije angažovan.

VI

Pri predlaganju za proizvodnje i unapređivanje podoficira, oficira i generala, nadležni starješina je dužan da pored uslova iz tač. I, II, III i IV ove odluke, procjenjuje potrebe za popunu odgovarajućih formacijskih mjesta, kao i hrabrost, sposobnost za rukovođenje i komandovanje, ratno iskustvo i druge osobine lica, koje se predlaže za proizvodnje, odnosno unapređenje.

NADLEŽNOST STARJEŠINA VOJNIH JEDINICA ZA RJEŠAVANJE O ODNOSIMA U SLUŽBI VOJNIH LICA

VII

Komandant samostalnog bataljona (divizion) i starješine vojne jedinice, odnosno vojne ustanove, za čiji položaj je formacijom određen čin majora ili viši čin, nadležan je da:

- raspoređuje vojnike;
- postavlja podoficire na dužnosti za koje je formacijom određen čin podoficira;
- pokreće postupak za proizvodnje - unapređivanje starješina na dužnosti iz svog sastava.

VIII

Komandant puka - brigade i starješina vojne jedinice ili vojne ustanove za čiji položaj je formacijom određen čin pukovnik ili viši čin nadležan je:

- da odlučuje o postavljenju podoficira na dužnosti za koje je formacijom određen čin podoficira,
- da odlučuje o postavljenju oficira na dužnosti za koje je formacijom određen čin oficira, zaključno sa formacijskim činom kapetana,
- da poziva na službu u vojnu jedinicu odnosno vojnu ustanovu vojnike, podoficire i oficire koji imaju određen ratni raspored u njegovoj jedinici,
- da odlučuje o razrješenju od dužnosti podoficira i oficira na službi u puku - brigadi, radi školovanja, bolovanja ili liječenja,
- da odlučuje o udaljenju od dužnosti podoficira i oficira na službi u puku - brigadi iz razloga navedenih u članu 82. Zakona,
- da pokreće postupak za proizvodnje, odnosno unapređenje starješina na dužnosti u puku - brigadi,
- da pokreće postupak za prestanak službe starješina na dužnosti u puku - brigadi,
- da odlučuje u prvostepenom upravnom postupku.

IX

Komandant divizije i starješine vojne jedinice ili vojne ustanove, za čiji položaj je formacijom određen čin brigadir ili viši čin, nadležan je:

- da odlučuje o postavljenju podoficira na dužnosti za koje je formacijom određen čin podoficira,
- da odlučuje o postavljenju oficira na dužnost za koje je formacijom određen čin oficira, zaključno sa formacijskim činom nadkapetana,
- da odlučuje o razrješenju od dužnosti podoficira i oficira na službi u diviziji, vojnoj jedinici ili ustanovi kojom komanduje, radi školovanja, bolovanja ili liječenja,

- da odlučuje o stavljanju na raspolaganje podoficira i oficira zaključno sa ličnim činom nadkapetana,
- da odlučuje o udaljenju od dužnosti podoficira i oficira u diviziji, vojnoj jedinici ili ustanovi kojom komanduje iz člana 82. Zakona,
- da pokreće postupak za unapređenje starješina iz svog sastava,
- da odlučuje o prestanku vojne službe podoficira,
- da odlučuje u prvostepenom upravnom postupku za lica iz svoje nadležnosti,
- da odlučuje u drugostepenom upravnom postupku.

X

Komandant korpusa i starješine vojne jedinice ili vojne ustanove, za čiji je položaj formacijom određen čin brigadnog generala ili viši čin, nadležan je:

- da proizvodi podoficire, uz prethodnu saglasnost komandanta Generalštaba,
- da unapređuje podoficire, u neposredno viši čin,
- da odlučuje o postavljenju podoficira na dužnosti za koje je formacijom određen čin podoficira,
- da odlučuje o postavljenju oficira na dužnosti za koje je formacijom određen čin oficira, zaključno sa formacijskim činom majora,
- da odlučuje o razrješenju od dužnosti podoficira i oficira na službi u korpusu, vojnoj jedinici ili ustanovi kojom komanduje, radi školovanja, bolovanja ili liječenja,
- da odlučuje o stavljanju na raspolaganje podoficira i oficira zaključno sa ličnim činom majora,
- da odlučuje o udaljenju od dužnosti podoficira i oficira u korpusu, vojnoj jedinici ili ustanovi kojom komanduje, iz člana 82. Zakona,
- da pokreće postupak za proizvodnju i unapređenje oficira iz svog sastava,
- da odlučuje o prestanku vojne službe podoficira i oficira zaključno sa ličnim činom nadkapetana,
- da odlučuje u prvostepenom upravnom postupku za lica iz svoje nadležnosti,
- da odlučuje u drugostepenom upravnom postupku.

XI

Komandant Generalštaba Armije RBiH (u daljem tekstu: Generalštab), za čiji položaj je formacijom određen čin armijskog generala, nadležan je:

- da unapređuje podoficire i oficire zaključno sa činom pukovnika,
- da odlučuje o postavljenju podoficira na dužnosti za koje je formacijom određen čin podoficira,
- da odlučuje o postavljenju oficira na dužnosti za koje je formacijom određen čin oficira, zaključno sa formacijskim činom pukovnika,
- da odlučuje o udaljenju od dužnosti podoficira i oficira na dužnosti u Generalštabu i neposredno podčinjenim, jedinicama i ustanovama Armije, iz člana 82. Zakona,
- da odlučuje o razrješenju od dužnosti podoficira i oficira na dužnosti u Generalštabu, neposredno podčinjenim, komandama vojnih jedinica i ustanovama,
- da odlučuje o prestanku vojne službe podoficira i oficira, zaključno sa ličnim činom brigadira,
- da pokreće postupak za proizvodnje oficira čina brigadira u čin brigadnog generala,
- da pokreće postupak za unapređenje generala,
- da odlučuje u prvostepenom upravnom postupku za lica na dužnosti u Generalštabu, neposredno podčinjenim komandama vojnih jedinica i ustanova,
- da odlučuje u drugostepenom upravnom postupku po odlukama komandanata korpusa, vojnih jedinica ili ustanova koje su mu neposredno podčinjene.

XII

Predsjedništvo Republike, nadležno je:

- da rješava o postavljenju, premještanju, prijemu u vojnu službu, udaljenju od dužnosti i razrješenju od službe i prestanka vojne službe,
- da proizvodi starješine u čin oficira,
- da proizvodi oficire čina brigadira u čin brigadnog generala,
- da unapređuje generale,
- da vrši raspored starješina u štabove, jedinice i ustanove oružanih snaga,
- da postavlja na dužnost komandanta Generalštaba, načelnika Štaba Armije, pomoćnike komandanata i komandante korpusa,
- da postavlja na dužnost pomoćnike komandanta Generalštaba, načelnike uprava i odjeljenja Generalštaba, komandante divizija i komandante brigada, odnosno starješine za koje je formacijom određen čin brigadira ili viši čin,
- da odlučuje o prijemu u aktivnu vojnu službu rezervnih podoficira i oficira,
- da odlučuje o prijemu građana na rad po ugovoru u Armiju i o njihovom proizvodjenju u činove podoficira, oficira i generala,
- da odlučuje o prijemu u stalni sastav Armije lica koja nisu državljani Republike,
- da odlučuje o proizvodjenju i unapređivanju u činove lica koja nemaju državljanstvo Republike,
- da odlučuje o proizvodjenju u činove oficira, lica po završetku odgovarajuće vojne škole.

XIII

Starješine iz tač. VII do X ove odluke obavljaju sve radnje u postupku i u vezi nadležnosti i ovlašćenja koja su im data ovom odlukom.

XIV

Evidenciju o podacima iz tač. I do XII ove odluke vodi Generalštab.

Komande jedinica i vojnih ustanova dužne su da sve podatke o kojima se vodi evidencija iz stava 1. ove tačke, dostave Generalštabu.

PRELAZNE I ZAVRŠNE ODREDBE

XV

Danom stupanja na snagu ove odluke prestaje da važi Odluka o proizvodjenju, unapređivanju i rješavanju o odnosima u službi vojnih lica za vrijeme ratnog stanja ("Službeni list RBiH", broj 11/92 i "Službeni list Armije RBiH" broj 3/93).

XVI

Ova odluka stupa na snagu danom objavljivanja u "Službenom listu RBiH".

PR broj 1814/95
1. juna 1995. godine
Sarajevo

Predsjednik
Predsjedništva RBiH,
Alija Izetbegović, s. r.

292

Na osnovu člana 4. Zakona o kontroli cijena ("Službeni list RBiH", br. 10/94 i 13/94), Vlada Republike Bosne i Hercegovine, donosi

ODLUKU

O ZAŠTITNIM CIJENAMA OSNOVNIH
POLJOPRIVREDNIH PROIZVODA U 1995. GODINI

I

Ovom odlukom utvrđuju se vrsta i visina zaštitnih cijena određenih poljoprivrednih proizvoda, pravo i obaveza privrednih subjekata pri vršenju otkupa tržišnih viškova, kao i inspeksijski nadzor nad njenim sprovođenjem.

II

Otkup određenih poljoprivrednih proizvoda po zaštitnim - garantovanim cijenama vrši se, i to za:

	- DEM/kg -
- pšenicu svih klasa	0,35
- raž, ječam	0,35
- kukuruz	0,33

III

Otkup i isplatu preuzetih proizvoda iz tačke II ove odluke vrši Državna direkcija za robne rezerve ili od nje ovlašteni privredni subjekat registrovan i osposobljen za otkup, prikupljanje, skladištenje i preradu navedenih proizvoda.

IV

Otkup određenih poljoprivrednih proizvoda po zaštitnim minimalno-otkupnim cijenama vrši se, i to za:

	- DEM/kg -
- goveda svih vrsta i pasmina	
I, II i III klasa živa mjera	3,60
- junad svih vrsta i pasmina	
I, II i III klasa živa mjera	3,00
- svinje mesne i masne I i II klasa	3,46
- brojleri (perad)	2,00
- uljana repica	0,80
- krompir	0,36
- crni luk	0,48
- grah	0,70
- mlijeko kravljje (sa 3,6% mliječne masti)	0,45 DEM za 1 L
- jaja	0,12 DEM za kom.

V

Otkup i isplatu preuzetih proizvoda iz tačke IV ove odluke mogu vršiti svi privredni subjekti registrovani za tu djelatnost.

VI

Isplata otkupljenih količina robe, po cijenama utvrđenim u tač. II i IV ove odluke, vrši se u dinarskim ili stranim sredstvima plaćanja.

Ako se isplata proizvoda iz stava 1. ove tačke vrši dinarskim sredstvima plaćanja, obračun devizne cijene u dinare vrši se primjenom srednjeg kursa koji utvrđuje Narodna banka Bosne i Hercegovine na dan plaćanja.

VII

Pri vršenju otkupa proizvoda iz tač. II i IV ove odluke primjenjuju se popisi o utvrđivanju kvaliteta, kontrole, preuzimanja i stavljanja u promet poljoprivrednih proizvoda.

VIII

Nadzor nad sprovođenjem ove odluke vrše organi uprave nadležni za poslove tržišne i poljoprivredne inspekcije.

IX

Ova odluka objavljena je na oglasnoj tabli Vlade Republike Bosne i Hercegovine dana 27. juna 1995. godine, kada je i stupila na snagu, a objavit će se u "Službenom listu RBiH".

V broj 100
27. juna 1995. godine
Sarajevo

Predsjednik
Vlade RBiH,
dr Haris Silajdžić, s. r.

293

Na osnovu člana 4. st. 2. i 3. Zakona o obrazovanju i radu okruga ("Službeni list RBiH", br. 12/92, 14/92, 18/92, 21/92, 3/93, 22/93, 13/94 i 9/95), Vlada Republike Bosne i Hercegovine, donosi

ODLUKU O POVJERAVANJU POJEDINIH POSLOVA IZ OBLASTI TRGOVINE IZVRŠNIM ORGANIMA OKRUGA BIHAĆ, GORAŽDE I TUZLA

I

Ovom odlukom povjeravaju se pojedini poslovi koji se odnose na izvršavanje zakona iz oblasti trgovine izvršnim organima Okruga Bihać, Goražde i Tuzla.

Izvršni organ Okruga Tuzla povjerene poslove obavlja za potrebe Opštine Srebrenica.

II

Izvršni organi okruga iz tačke I ove odluke, u oblasti trgovine donose propise o:

- zabrani trgovine određenih proizvoda, sirovina i reproductivnog materijala;
- određivanju posebnih uvjeta za trgovinu pojedinim proizvodima (kupovina po odobrenju, kartice i sl.);
- obavezivanju određenih trgovaca da stave na tržište određene vrste i količine pojedinih proizvoda, odnosno da ih isporučuju određenim korisnicima po propisanom redoslijedu;
- obavezivanju određenih trgovaca da formiraju određene vrste i količine proizvoda za potrebe robnih rezervi.

Izvršni organi okruga iz tačke I ove odluke staraju se o izvršenju propisa iz tačke II stav 1. ove odluke.

III

Sredstva za izvršenje propisa iz tačke II ove odluke obezbijedit će Okrug Bihać, Okrug Goražde i Okrug Tuzla.

IV

Poslove iz tačke II ove odluke vrše okruzi iz tačke I ove odluke, dok se ti okruzi odnosno Opština Srebrenica nalaze u neprijateljskom okruženju.

V

Ova odluka stupa na snagu danom objavljivanja u "Službenom listu RBiH".

V broj 101/95
27. juna 1995. godine
Sarajevo

Predsjednik
Vlade RBiH,
dr Haris Silajdžić, s. r.

294

Na temelju odredbe člana 7. Zakona o amnestiji ("Službeni list RBiH", br. 36/94 i 23/95), ministar pravde u saradnji sa ministrom odbrane, donosi

UPUTSTVO O DOPUNAMA UPUTSTVA O PROVODENJU ZAKONA O AMNESTIJI

1. U Uputstvu o provođenju Zakona o amnestiji ("Službeni list RBiH", broj 1/95) iz tačke 11. dodaju se nove tač. 12, 13, 14, 15, 16, 17, 18, 19. i 20. koje glase:

"12. Diplomatsko-konzularno predstavništvo Republike Bosne i Hercegovine (u daljem tekstu: "DKP") dužno je uzeti izjavu lica iz člana 2a. Uredbe sa zakonskom snagom o izmjenama i dopunama Zakona o amnestiji ("Službeni list RBiH", broj 23/95, u daljem tekstu: "Uredba"). Izjava se uzima u pismenom obliku a potpisuje je lice koje daje izjavu i ovjerava ovlašten radnik DKP-a.

13. Izjava iz tačke 12. ovog uputstva sadrži slijedeće podatke:

Naziv DKP pred kojim se izjava daje; broj i datum davanja izjave; ime i prezime lica koje daje izjavu; ime oca; ime i djevojačko prezime majke; dan, mjesec i godina rođenja; mjesto i adresa posljednjeg prebivališta-boravišta lica koje daje izjavu prije napuštanja RBiH; datum napuštanja RBiH; tačna adresa trenutnog prebivališta-boravišta u inostranstvu uz naziv države u kojoj lice koje daje izjavu trenutno boravi; podaci o pripadnosti Vojnoj jedinici za ona lica koja su prije napuštanja

RBiH bili pripadnici Armije ili Ministarstva unutrašnjih poslova RBiH (u daljem tekstu: "MUP-a RBiH"); odnosno kod koje općine se vojni obveznik vodio u vojnoj evidenciji prije napuštanja RBiH; izjavu da je to lice spremno da se na poziv organa određenog članom 2a. Uredbe vrati u RBiH po pozivu organa određenog članom 2a. Uredbe.

Izjava se uzima u dva primjerka od kojih se jedan predaje licu koje je dalo izjavu, a drugi primjerak zadržava DKP.

DKP je na osnovu datih izjava iz tačke 12. ovog uputstva dužno odmah sačiniti spisak lica koja su dala izjavu sa svim podacima iz tačke 13. ovog uputstva i ovjeren spisak, putem Ministarstva vanjskih poslova bez odlaganja dostaviti Ministarstvu za izbjeglice i socijalnu politiku.

Ministarstvo za izbjeglice i socijalnu politiku dužno je po jedan primjerak spiska iz stava 3. ove tačke dostaviti Ministarstvu pravde i Ministarstvu odbrane.

14. Ministarstvo pravde će o davanju izjave iz člana 2a. Uredbe bez odlaganja obavijestiti nadležni sud odnosno tužilaštvo pred kojim se vodi krivični postupak.

Nakon što primi obavijest od Ministarstva pravde da je lice dalo izjavu iz člana 2a. Uredbe nadležni sud odnosno tužilaštvo zastaće sa postupkom u odnosu na krivična djela koja su obuhvaćena amnestijom.

15. Ministarstvo za izbjeglice i socijalnu politiku ili drugi nadležni organ iz člana 2a. Uredbe upućuje poziv putem DKP svim licima koja su dala izjavu iz tačke 12. ovog uputstva.

Poziv se upućuje putem DKP RBiH pred kojim je to lice dalo izjavu u smislu tačke 12. ovog uputstva, kao i putem sredstava javnog informiranja u RBiH i državi u kojoj to lice boravi.

16. Poziv iz tačke 15. ovog uputstva treba da sadrži:

Naziv organa koji upućuje poziv; broj i datum poziva; mjesto i vrijeme gdje treba da se jave ta lica; vrijeme i način transporta iz te države u RBiH.

17. Ministarstvo za izbjeglice i socijalnu politiku ili drugi nadležni organ dužno je sačiniti popis svih lica koja su dala izjavu u smislu tač. 12. i 13. ovog uputstva.

U popis iz stava 1. ove tačke Ministarstvo za izbjeglice i socijalnu politiku ili drugi nadležni organ, dužno je unijeti podatke o datumu upućivanja poziva upućenog u smislu tačke 15. ovog uputstva, datumu obaveze povratka u Republiku na osnovu poziva i na osnovu člana 2a. Uredbe.

18. Ministarstvo za izbjeglice i socijalnu politiku dužno je da obavijesti Ministarstvo pravde i Ministarstvo odbrane koje pozvano lice se nije vratilo u Republiku i javilo nadležnom organu iz tačke 20. ovog uputstva u propisanom roku.

19. Nakon prijema podataka od organa iz tačke 18. ovog uputstva, Ministarstvo pravde će obavijestiti nadležni sud odnosno tužilaštvo da se pozvano lice nije vratilo u Republiku i javilo nadležnom organu u propisanom roku, nakon čega će nadležni sud odnosno tužilaštvo nastaviti sa postupkom za krivična djela na koja se odnosila amnestija iz člana 2a. Uredbe.

20. Lice koje se u roku i na način propisan uredbom i ovim uputstvom vratilo u Republiku dužno je da se javi svojoj jedinici ili najbližoj jedinici, ustanovi, komandi ili štabu oružanih snaga ukoliko je prije napuštanja Republike bilo raspoređeno u neki od ovih organa, odnosno organu uprave nadležnom za poslove odbrane, u mjestu trenutnog prebivališta ili boravišta ukoliko prije napuštanja Republike nije bilo raspoređeno u jedinicama Armije ili MUP-a RBiH.

Lice iz stava 1. ove tačke dužno je da nadležnom sudu odnosno tužilaštvu podnese dokaz o javljanju organu iz stava 1. ove tačke.

Nakon prijema dokaza iz stava 2. ove tačke nadležni sud će postupiti na način predviđen u stavu 2. tačke 4. ovog uputstva, a ukoliko postupak pred sudom još nije pokrenut a podnesena je krivična prijava nadležni tužilac postupiće u smislu tačke 9. stav 2. ovog uputstva.

2. Dosadašnja tačka 12. postaje tačka 21.

3. Ovo uputstvo stupa na snagu danom objavljivanja u "Službenom listu RBiH".

Broj 02-021-1463/95
8. juli 1995. godine
Sarajevo

Po ovlaštenju ministra
Sekretar
Sead Hodžić, s. r.

295

Na osnovu člana 5h. stav 4. Zakona o penzijskom i invalidskom osiguranju ("Službeni list RBiH", br. 16/92, 8/93 i 13/94), ministar za izbjeglice i socijalnu politiku u saradnji sa ministrom odbrane, donosi

UPUTSTVO

O KRITERIJUMIMA ZA BLIŽE ODREĐIVANJE VREMENA KOJE SE RAČUNA U PENZIJSKI STAŽ KAO POSEBAN STAŽ U DVOSTRUKOM TRAJANJU ZA VRIJEME RATA ILI U SLUČAJU NEPOSREDNE RATNE OPASNOSTI

1. Ovim uputstvom utvrđuju se kriterijumi za bliže određivanje vremena koje se u skladu sa članom 5h. Zakona o penzijskom i invalidskom osiguranju računa u penzijski staž, kao poseban staž u dvostrukom trajanju (u daljem tekstu: poseban staž) za vrijeme rata ili u slučaju neposredne ratne opasnosti.

2. Pripadniku oružanih snaga Republike Bosne i Hercegovine (u daljem tekstu: pripadnik oružanih snaga) u poseban staž računa se vrijeme koje je proveo u pripremama za odbranu Republike Bosne i Hercegovine (u daljem tekstu: Republika) odnosno odbrani Republike od 12. 10. 1991. godine do prestanka svojstva pripadnika oružanih snaga.

3. Pripadniku oružanih snaga u poseban staž računaju se i periodi liječenja i rehabilitacije kao posljedica ranjavanja i oboljenja nastalog za vrijeme službe u oružanim snagama, kao i periodi koje je proveo u logorima i neprijateljskim zatvorima kao pripadnik oružanih snaga.

4. Pismene dokaze o činjenicama iz tač. 2. i 3. ovog uputstva za pripadnike Armije Republike Bosne i Hercegovine izdaje brigada odnosno viša vojna jedinica ili ustanova, a za pripadnike Ministarstva unutrašnjih poslova stanica javne bezbjednosti ili viša organizaciona jedinica, u kojoj je pripadnik oružanih snaga posljednji put bio na službi.

5. O priznavanju posebnog staža u skladu sa ovim uputstvom Ministarstvo za izbjeglice i socijalnu politiku - Ured za penzijsko i invalidsko osiguranje odlučuje prilikom rješavanja o pravu na penziju.

6. Ovo uputstvo stupa na snagu narednog dana od dana objavljivanja u "Službenom listu RBiH".

Broj 01-2726/95
8. jula 1995. godine
Sarajevo

Ministar
Muharem Cero, s. r.

296

Na osnovu člana 11. stav 3. Zakona o finansijskom poslovanju ("Službeni list RBiH", br. 5/95 i 9/95), ministar finansija, donosi

NAREDBU

O IZMJENAMA I DOPUNAMA NAREDBE O PLAĆANJU GOTOVIM NOVCEM

1. U Naredbi o plaćanju gotovim novcem ("Službeni list RBiH", broj 11/95) u tački 7. podtačka 5) mijenja se i glasi: "5) isplate za potrebe odbrane i humanitarne djelatnosti humanitarnih organizacija upisanih u Sudski registar, usluge prevoza i drugih špediterskih troškova domaćih fizičkih lica sa teritorija na kojima ne funkcioniše unutrašnji promet.

Isplata gotovinskih sredstava za usluge prevoza i drugih špediterskih troškova domaćih fizičkih lica sa teritorije na kojima ne funkcioniše unutrašnji platni promet, vrši se uz ovjerenu fakturu nadležne poreske uprave".

U podtački 6) u stavu 1. umjesto tačke na kraju rečenice, stavlja se zarez i dodaju riječi: "uz ovjeru nadležne organizacione jedinice poreske uprave".

U podtački 6) u stavu 2. riječi "ovjeriti kod nadležne Finansijske policije, odnosno obezbijediti kopiju naloga" zamjenjuju se riječima: "uz originalne dokaze (dokumentaciju) o opravdanosti gotovinske isplate podnijeti na ovjeru kod nadležne organizacione jedinice Finansijske policije."

U podtački 6) iza stava 2. dodaje se novi stav 3. koji glasi: "Ako ovlašteni radnik organizacionog dijela Finansijske policije u postupku kontrole naloga i dokaza (dokumentacije) iz stava 2. ove podtačke utvrdi manjkavost i nepravilnost vratit će isti sa dokumentacijom podnosiocu".

2. U tački 10. iza stava 3. dodaju se novi st. 4, 5. i 6. koji glase:

"Ukupan iznos blagajničkog maksimuma (dinarska i devizna blagajna) ne može iznositi više od 1.000 DEM u dinarskoj protivvrijednosti po kursu Narodne banke BiH na dan utvrđivanja blagajničkog maksimuma.

Pravna lica i samostalni privrednici su dužni uskladiti visinu blagajničkog maksimuma sa odredbama stava 4. ove tačke u roku od 15 dana od dana stupanja na snagu ove naredbe.

Odredbe stava 4. ove tačke ne odnose se na organizacije iz tač. 8. i 9. ove naredbe".

3. Ova naredba stupa na snagu danom objavljivanja u "Službenom listu RBiH".

Broj 01-021-4736/95

11. jula 1995. godine
Sarajevo

Zamjenik ministra
dr Izudin Kešetović, s. r.

297

Na osnovu člana 23. tačka 2. Zakona o unutrašnjem platnom prometu ("Službeni list RBiH", br. 5/95 i 9/95), ministar finansija, donosi

NAREDBU

O OTVARANJU I UKIDANJU RAČUNA KOD ZAVODA ZA PLATNI PROMET REPUBLIKE BOSNE I HERCEGOVINE

I - UVODNE ODREDBE

1. Ovom naredbom propisuju se vrste računa, način i uslovi pod kojima pravna lica i njihovi dijelovi, samostalni privrednici, i društveno-političke zajednice (u daljem tekstu: nosioci računa) kod Zavoda za platni promet Republike Bosne i Hercegovine (u daljem tekstu: Zavod) obavezno otvaraju i ukidaju račune iz člana 7. tačka 1. i čl. 11. i 12. Zakona o unutrašnjem platnom prometu ("Službeni list RBiH", br. 5/95 i 9/95).

2. Pod računima kod Zavoda, u smislu ove naredbe, podrazumijevaju se dinarski i devizni računi na kojima nosioci računa kao učesnici u platnom prometu vode svoja novčana sredstva.

II - VRSTE RAČUNA KOJI SE MOGU OTVARATI KOD ZAVODA

3. Računi koje nosioci računa otvaraju i ukidaju kod Zavoda u skladu sa čl. 3, 5. i 7. tačka 1. i čl. 11. i 12. Zakona o unutrašnjem platnom prometu, jesu:

- 1) žiro-računi,
- 2) računi dijelova pravnih lica,
- 3) računi izdvojenih sredstava,
- 4) uplatni računi javnih prihoda,
- 5) prolazni računi,
- 6) ostali računi utvrđeni zakonom ili drugim propisom.

4. Na žiro-računu kod Zavoda vode se novčana sredstva nosilaca računa koja ostvaruju, njima raspolazu i vrše plaćanja u skladu sa važećim propisima.

Račune dijelova nosioca računa kod Zavoda mogu imati nosioci računa iz oblasti privrede, neprivrede, banke i druge finansijske organizacije, osiguravajuća društva, organi društveno-političkih zajednica i političke i društvene organizacije.

Na računima izdvojenih sredstava kod Zavoda vode se novčana sredstva nosioca računa i dijelova nosioca računa čija je namjena utvrđena zakonom ili drugim propisima, kao što su sredstva rezervi (obavezna, posebna), izdvojena novčana sredstva za određene namjene, sredstva depozita, solidarnosti, investicija i druga sredstva koja se izdvajaju na posebne račune.

Uplatni računi javnih prihoda su računi na kojima se vrši prikupljanje i raspoređivanje određenih sredstava javnih prihoda i sa kojih se ne može vršiti plaćanje. Otvaranje uplatnih računa javnih prihoda propisuje ministar finansija.

Prolazni računi su računi na kojima se prikupljaju i raspoređuju sredstva određenih pravnih lica iz oblasti privrede i sa kojih se ne može vršiti plaćanje.

Ostali računi, u smislu ove naredbe, su računi sredstava za obavljanje posebnih funkcija nosilaca računa kada je to zakonom ili drugim propisom to pravo utvrđeno.

5. Račune sredstava za obavljanje posebnih funkcija određeno pravno lice (Narodna banka Bosne i Hercegovine, banke, društvo za osiguranje imovine i lica, druge finansijske organizacije i organizacije finansijskog posredovanja i druga pravna lica), pored postojećeg žiro računa, može kod Zavoda imati račun ako je zakonom odnosno drugim propisima to pravo utvrđeno.

6. Nosilac računa može imati samo jedan žiro račun kod nadležne jedinice Zavoda.

III - NAČIN I USLOVI POD KOJIMA NOSIOCI RAČUNA OTVARAJU RAČUNE KOD ZAVODA

7. Nosilac računa iz tačke 3. ove naredbe otvara račun u organizacionoj jedinici Zavoda na čijem području nosilac računa ima svoje sjedište, odnosno prebivalište.

8. Žiro-račun kod Zavoda otvara se na osnovu pismenog zahtjeva nosioca računa. Dokumentacija koju nosilac računa mora priložiti uz pismeni zahtjev zavisí od vrste računa koji nosilac računa želi otvoriti.

Uz zahtjev za otvaranje žiro-računa nosilac računa, odnosno dijelovi nosioca računa prilažu:

1) rješenje o upisu u sudski registar, odnosno u registar nadležnog organa,

2) statut ili pravila nosilaca računa koja se ne upisuju u sudski registar,

3) obavještenje Državnog zavoda za statistiku Republike Bosne i Hercegovine o razvrstavanju po šifri djelatnosti,

4) ugovor o deponovanju sredstava kod banke ako deponovanje sredstava nije zakonom određeno,

5) kartone deponovanih potpisa lica koja su ovlaštena za potpisivanje naloga radi raspolaganja sredstvima sa računa kod Zavoda.

Banka i druga finansijska organizacija koja podnosi zahtjev za otvaranje žiro računa istovremeno sa podnošenjem tog zahtjeva podnosi zahtjev za otvaranje računa izdvojenih sredstava obavezne rezerve.

Vojne jedinice odnosno ustanove uz zahtjev za otvaranje računa kod Zavoda podnose i akt Ministarstva odbrane o otvaranju žiro-računa i drugih računa u Zavodu kao i kartone deponovanih potpisa lica ovlaštenih za potpisivanje naloga za raspolaganje sredstvima sa žiro-računa kod Zavoda.

9. Uz zahtjev za otvaranje računa izdvojenih sredstava nosioca računa ili dijela nosioca računa obavezno se prilaže:

1) ugovor o deponovanju sredstava kod banke,

2) kartone deponovanih potpisa lica koja su ovlaštena za potpisivanje naloga radi raspolaganja sredstvima sa računa kod Zavoda.

U zahtjevu nosioca računa, odnosno dijela nosioca računa treba navesti propis na osnovu kojeg otvara račun.

10. Uz zahtjev za otvaranje računa samostalnih privrednika potrebno je priložiti:

1) rješenje o dozvoljenom obavljanju djelatnosti,

2) ugovor o deponovanju sredstava kod banke ako je takav ugovor zaključen,

3) kartone deponovanih potpisa lica koja su ovlaštena za potpisivanje naloga radi raspolaganja sredstvima sa računa kod Zavoda.

Samostalni privrednik, u smislu ove naredbe, je fizičko lice koje obavlja registrovanu djelatnost na osnovu odobrenja nadležnog organa.

11. Kada se nad nosiocem računa otvori stečajni postupak ili postupak redovne likvidacije, stečajni upravnik odnosno lice ovlašteno za sprovođenje postupka redovne likvidacije, dužno je da istovremeno sa podnošenjem zahtjeva nadležnoj organizacionoj jedinici Zavoda za otvaranje žiro-računa nosioca računa u stečaju ili likvidaciji podnese i zahtjev za ukidanje postojećeg žiro računa i drugih računa nosioca računa.

Uz zahtjev za otvaranje žiro-računa nosioca računa u stečaju ili likvidaciji, stečajni ili likvidacioni upravnik mora priložiti:

1) rješenje o otvaranju stečajnog postupka ili postupka likvidacije,

2) ugovor o deponovanju sredstava kod banke,

3) zahtjev za ukidanje žiro i drugih računa nosioca računa u stečaju ili likvidaciji,

4) kartone deponovanih potpisa lica koja su ovlaštena za potpisivanje naloga radi raspolaganja sredstvima sa računa kod Zavoda.

12. Nosilac računa je dužan da o nastalim statusnim i drugim promjenama (promjena firme, sjedišta, djelatnosti, odgovornosti za obaveze, promjena lica ovlaštenih za zastupanje, promjena osnivača i drugo) pismeno obavijesti organizacionu jedinicu Zavoda kod koje ima žiro-račun odnosno druge račune najkasnije u roku od osam dana od dana upisa u nadležni registar radi upisivanja tih promjena u registar računa kod Zavoda, kao i da uz obavještenje priloži dokaz o izvršenim statusnim i drugim promjenama odnosno izvod iz Jedinственог регистра o promjeni koji izdaje Državni zavod za statistiku Republike Bosne i Hercegovine.

IV - NAČIN I USLOVI POD KOJIMA NOSIOCI RAČUNA UKIDAJU RAČUNE U ZAVODU

13. Zavod ukida račune na osnovu pismenog zahtjeva nosioca računa ili po službenoj dužnosti.

14. Nosilac računa kod Zavoda, zahtjev za ukidanje računa podnosi kada je po osnovu zakona prestala potreba za tim računom, kada je prestala potreba za njegovim postojanjem ili kada su ispunjeni uslovi za njegovo ukidanje.

15. Pismeni zahtjev za ukidanje računa podnosi nosilac računa organizacionoj jedinici Zavoda u čijem sjedištu je otvoren račun. Uz zahtjev se prilažu sljedeći dokumenti:

1) rješenje o brisanju iz Sudskog registra ako je nosilac računa upisan u Sudski registar,

2) odluku ili drugi akt o brisanju nosioca računa iz registra nadležnog organa,

3) rješenje registarskog organa o ukidanju dijelova nosioca računa koje se dostavlja u sjedište Zavoda gdje su računi otvoreni,

4) izvod o brisanju iz Jedinственог регистра Državnog zavoda za statistiku Republike Bosne i Hercegovine,

5) nalog za prenos novčanih sredstava sa računa koji se ukida.

ja su ovlaštena za
ima sa računa kod
ela nosioca računa
račun.
talnih privrednika

latnosti,
banke ako je takav

a su ovlaštena za
ima sa računa kod

be, je fizičko lice
ovu odobrenja na-

stečajni postupak
vnik odnosno lice
ikvidacije, dužno
nadležnoj organi-
o-računa nosioca
hjev za ukidanje
ca računa.

osioća računa u
i upravnika mora

pka ili postupka

banke,
a nosioca računa

a su ovlaštena za
ima sa računa kod

alim statusnim i
a, djelatnosti, od-
ih za zastupanje,
sti organizacionu

sno druge račune
upisa u nadležni
istar računa kod
kaz o izvršenim
d iz Jedinstvenog
vod za statistiku

OCI RAČUNA

menog zahtjeva

ukidanje računa
potreba za tim
n postojanjem ili

podnosi nosilac
sjedištu je otvo-
ment:

ako je nosilac

čuna iz registra

dijelova nosioca
gdje su račun

istra Državnog
ovine,

računa koji se

16. Zavod po službenoj dužnosti ukida uplatne račune javnih prihoda na osnovu zakona i drugih propisa donesenih na osnovu zakona.

17. Računi vojnih jedinica odnosno vojnih ustanova koji se vode kod Zavoda ukidaju se na osnovu akta Ministarstva odbrane.

18. Ako na računu nosioca računa koji je upisan u Sudski registar i nosioca računa koji nema obavezu upisa u Sudski registar, nije bilo promjena u roku od šest mjeseci ili kod Zavoda ima neizmirenih obaveza, Zavod je dužan staviti van funkcije žiro račun i u roku od sedam dana o tome obavijestiti Ministarstvo finansija i nadležni Registracioni sud odnosno organ koji je izdao akt o obavljanju djelatnosti.

Zavod je dužan svakog mjeseca, do 10. u mjesecu za prethodni mjesec, dostaviti pregled računa stavljenih van funkcije te isti oglasiti u "Službenom listu RBiH".

Sredstva koja se nalaze na računima van funkcije će se prenijeti na tzv. "neaktivne račune".

Izuzetno, dok traje ratno stanje, rok od šest mjeseci iz stava 1. ove tačke utvrđuje se na tri mjeseca.

V - IZDAVANJE RJEŠENJA I PISMENE OBAVIJESTI NOSIOCIMA RAČUNA

19. Račune iz tač. 8, 9. i 11. ove naredbe otvara i ukida organizaciona jedinica Zavoda izdavanjem rješenja, a za otvaranje i ukidanje svih ostalih računa nosiocima računa organizaciona jedinica Zavoda izdaje pismenu obavijest.

20. Kada kod nosioca računa nastanu statusne ili druge promjene kojima se mijenja broj računa, organizaciona jedinica Zavoda izdaje rješenje o novootvorenom računu.

VI - UPIS PODATAKA U REGISTAR NOSIOCA RAČUNA KOD ZAVODA

21. Podatke iz dokumentacije koju je nosilac računa priložio uz zahtjev za otvaranje žiro i drugog računa, organizaciona jedinica Zavoda upisuje u Registar nosioca računa kod Zavoda.

U Registar nosioca računa organizaciona jedinica Zavoda upisuje i promjene o deponentu sredstava.

VII - PRELAZNE I ZAVRŠNE ODREDBE

22. Samostalni privrednici dužni su da otvore žiro-račune kod Zavoda u roku od 20 dana od dana stupanja na snagu ove naredbe.

23. Danom stupanja na snagu ove naredbe, stavlja se van snage Naredba o uslovima za otvaranje žiro-računa građana ("Službeni list SRBiH", broj 43/90).

24. Ova naredba stupa na snagu osmog dana od dana objavljivanja u "Službenom listu RBiH".

Broj 01-021-4736/95

11. jula 1995. godine

Sarajevo

Zamjenik ministra
dr Izudin Kešetović, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 1. Ustava Republike Bosne i Hercegovine i člana 72. tačka 4. Poslovnika Ustavnog suda Bosne i Hercegovine, na sjednici održanoj 11. maja 1995. godine, donio je

ODLUKU

Utvrđuje se da dio odredbe člana 5. Zakona o izmjenama i dopunama Zakona o prodaji robe za strana sredstva plaćanja ("Službeni list RBiH", br. 15/94 i 33/94) koja glasi: "a primjenjivat će se od 12. aprila 1994. godine", u vrijeme važenja nije bio u saglasnosti sa Ustavom Republike Bosne i Hercegovine.

Ova odluka objavit će se u "Službenom listu RBiH".

Obrazloženje

Prijedlogom P. P. za dramski saobraćaj, unutrašnju i spoljnu trgovinu "Soko-trans" liđza od 22. 3. 1995. godine, pokrenut je postupak za ocjenjivanje ustavnosti odredbe člana 5. Zakona o izmjenama i dopunama Zakona o prodaji robe za strana sredstva plaćanja, kojim je propisano da će se odredbe člana 1. Zakona, prema kojem će se carinske i druge uvozne dažbine i porez na promet proizvoda za visokotarifne proizvode (nafta, alkoholna i bezalkoholna pića, duhan itd.) plaćati pri uvozu u skladu sa posebnim propisom, primjenjivati od 12. aprila 1994. godine.

Predlagatelj smatra da odredba člana 5. Zakona nije u saglasnosti sa članom 221. st. 1. i 2. Ustava Republike Bosne i Hercegovine, jer propisuje povratno dejstvo odredbe, pošto je Zakon objavljen 24. juna 1994. godine, kada je i stupio na snagu. Navodi da za takvo postupanje opšti interes ne postoji, niti je utvrđen Zakonom.

U odgovoru Skupštine Republike Bosne i Hercegovine ističe se da je prijedlog osporenog Zakona usvojen u proceduri propisanoj Poslovnikom Skupštine.

Zakonom o prestanku važenja Zakona o prodaji robe za strana sredstva plaćanja ("Službeni list RBiH", br. 25/94 i 33/94) navedeni zakon je prestao da važi dana 16. 9. 1994. godine.

Prema Ustavu Republike Bosne i Hercegovine, zakoni i drugi propisi i opšti akti organa društveno-političkih zajednica ne mogu imati povratno dejstvo. Samo zakonom se može odrediti da pojedine njegove odredbe, ako to zahtijeva opšti interes imaju povratno dejstvo (član 221. st. 1. i 2.). Ustavni sud može ocjenjivati ustavnost zakona koji su prestali da važe, ako od prestanka važenja do pokretanja postupka nije proteklo više od jedne godine (član 387. stav 2.).

Iz navedenih odredaba Ustava Republike Bosne i Hercegovine proizilazi da se opšti interes za povratno dejstvo pojedine odredbe zakona mora utvrditi na izričit način. Kako se iz izvoda iz zapisnika i izvoda iz magnetoskopskog snimka sjednice Skupštine Republike Bosne i Hercegovine, na kojoj je donesen Zakon, ne može zaključiti da je donosilac akta utvrdio opšti interes za povratno dejstvo odredbe člana 1. ovog zakona, Ustavni sud Bosne i Hercegovine je ocijenio da osporeni dio odredbe nije u saglasnosti sa Ustavom Republike Bosne i Hercegovine.

Odluka U broj 17/95
11. maja 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Državni zavod za statistiku

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku utvrđuje

KOEFICIJENTE

RASTA CIJENA I KOEFICIJENTE RASTA TROŠKOVA ŽIVOTA U RBiH U JUNU/LIPNJU 1995.

1. Mjesečni koeficijent rasta cijena proizvođača industrijskih proizvoda u mjesecu junu/lipnju 1995. godine u odnosu na prethodni mjesec je 0,050.

2. Koeficijent rasta cijena proizvođača industrijskih proizvoda od početka godine do kraja juna/lipnja je 0,185.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja juna/lipnja je 0,176.

4. Koeficijent rasta cijena proizvođača industrijskih proizvoda u mjesecu junu/lipnju 1995. godine u odnosu na isti mjesec prethodne godine je 0,577.

5. Mjesečni koeficijent rasta cijena na malo u mjesecu junu/lipnju ove godine u odnosu na prethodni mjesec je 0,020.

6. Koeficijent rasta cijena na malo od početka godine do kraja juna/lipnja je -0,128.

7. Koeficijent prosječnog mjesečnog rasta cijena na malo od početka godine do kraja juna/lipnja je -0,089.

8. Koeficijent rasta cijena na malo u maju/svibnju 1995. godine u odnosu na isti mjesec prethodne godine je -0,037.

9. Koeficijent rasta prosječnih troškova života u junu/lipnju 1995. godine u odnosu na prosjek prethodne godine je -0,019.

Broj 77

8. jula 1995. godine
Sarajevo

Direktor
dr Hasan Zolić, s. r.

Narodna banka Bosne i Hercegovine

Na osnovu člana 76. stav 1. tačka 5, čl. 80. i 83. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, objavljuje

SAOPŠTENJE

O CIJENAMA PLEMENITIH METALA

1. Cijene plemenitih metala izražene u dinarima, po tekućem kursu, na dan 30. VI 1995. godine, utvrđene na osnovu prosječnih cijena sa najvećih svjetskih berzi su slijedeće:

Cijena za 1 gr metala
u dinarima

1) Platina

1.958

2) Zlato
3) Srebro

1.7

2. Ovo saopštenje stupa na snagu danom donošenja, primjenjuje se od 1. jula 1995. godine i objavit će se u "Službenom listu RBiH".

G broj 53/95

5. jula 1995. godine
Sarajevo

Guverner
Narodne banke BiH,
Kasim Omićević, s. r.

SLUŽBENE OBJAVE

RADNE KNJIŽICE

"ARHGRA" PP p. o. Sarajevo oglašava nevažećim radne knjižice slijedećih radnika:

1. Makić Šefik, rođen 02. 12. 1969. u Zenici, radna knjižica iz Zenice;

2. Mujakić Said, rođen 24. 10. 1963. u Cazinu, radna knjižica iz Cazina i

3. Pajalić Omer, rođen 30. 06. 1958. u B. Krupi, radna knjižica iz B. Krupe. (so-463/95)

DIPLOMA

Mares (Nikole) Mira, diploma Prirodno-matematskog fakulteta Sarajevo broj 1295 od 6. 1. 1977. (so-457/95)

SADRŽAJ

- | | |
|---|-----|
| 291 Odluka o proizvodnji, unapređivanju i rješavanju o odnosima u službi vojnih lica za vrijeme ratnog stanja | 661 |
| 292 Odluka o zaštitnim cijenama osnovnih poljoprivrednih proizvoda u 1995. godini | 663 |
| 293 Odluka o povjeravanju pojedinih poslova iz oblasti trgovine izvršnim organima Okruga Bihać, Goražde i Tuzla | 663 |
| 294 Uputstvo o dopunama Uputstva o provođenju Zakona o amnestiji | 664 |
| 295 Uputstvo o kriterijumima za bliže određivanje vremena koje se računa u penzijski staž kao poseban staž u dvostrukom trajanju za vrijeme rata ili u slučaju neposredne ratne opasnosti | 665 |
| 296 Naredba o izmjenama i dopunama Naredbe o plaćanju gotovim novcem | 665 |
| 297 Naredba o otvaranju i ukidanju računa kod Zavoda za platni promet Republike Bosne i Hercegovine | 665 |

USTAVNI SUD BOSNE I HERCEGOVINE

Odluka o utvrđivanju da se dio odredbe člana 5. Zakona o izmjenama i dopunama Zakona o prodaji robe za strana sredstva plaćanja ("Službeni list RBiH", br. 15/94 i 33/94) koja glasi: "a primjenjivat će se od 12. aprila 1994. godine", u vrijeme važenja nije bio u saglasnosti sa Ustavom Republike Bosne i Hercegovine 667

DRŽAVNI ZAVOD ZA STATISTIKU

Koeficijenti rasta cijena i koeficijenti rasta troškova života u RBiH u junu/lipnju 1995. 667

NARODNA BANKA BOSNE I HERCEGOVINE

Saopštenje o cijenama plemenitih metala 668



Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.